

PROGRAMA DI CARNAVAL

te dia 31 DI JANUARI

AWE NOCHI....6 or na Centro di Bario Noord, eleccion di prins y pancho infantil.

DIAHUEBS 14 DI JANUARI eleccion di reina infantil di Paradera pa 6 or na Club Caiquetio.

DIABERNES 15 DI JANUARI eleccion di reina infantil na Noord, pa 6 or den Centro di Bario Noord.

Tambe eleccion di reina infantil di Pos Chiquito na Kukwischool pa 6or.

Finalmente na Centro di Bario Dakota tambe pa 6 or lo tin eleccion di reina infantil di Dakota.

DIASABRA 16 DI JANUARI eleccion di reina infantil di Savaneta na Heilig Hart School pa 6 or.

Eleccion di Prins y pancho juvenil di 9 or pa 3 or na Centro di Bario Dakota.

DIADOMINGO 17 DI JANUARI eleccion di reina infantil di San Nicolas den Bonaire Club pa 6 or.

DIALUNA 18 DI JANUARI eleccion di reina infantil di Santa Cruz na Connie Francis Club pa 6 or.

DIAMARS 19 JANUARI eleccion di reina infantil di Oranjestad den RCA Club na Playa pa 6 or.

DIAHUEBS 21 DI JANUARI eleccion di reina infantil di Tanki Leendert na school Oro Ubao pa 6or.

DIABIERNA 22 DI JANUARI eleccion di reina infantil di Brazil na Christus Koning School pa 6or.

DIASABRA 23 JANUARI eleccion di reina juvenil y reina di distrito di Oranjestad na RCA di 9 pa 3 or.

Eleccion di reina juvenil y di distrito di Noord na Centro di Bario Noord di 9 3 or di madrugada.

Eleccion di reina juvenil y di distrito di Savaneta di 9 pa 3 or na Heilig Hart School. (segun Popo ta coronacion lo tin).

DIADOMINGO 24 di JANUARI Eleccion di Prins y Pancho (28) di carnaval na Club Caiquetio pa 6 or di atardi.

DIALUNA 25 JANUARI Old Mask Parade na San Nicolas pa 8 or.

DIAMARS 26 JANUARI Old Mask Parade na Savaneta pa 8 or.

DIARANZON 27 Eleccion di reina infantil di carnaval 28 na RCA pa 6 or.

DIAHUEBS 28 JANUARI Calypsonian y Roadmarch contest den Lago Sport Park pa 8 or.

DIABIERNA 29 JANUARI Eleccion di reina juvenil y di distrito di San Nicolas den Club Bonaire pa 9 or anochi.

DIASABRA 30 JANUARI eleccion di reina juvenil y di distrito di Santa Cruz na Connie Francis Club di 9 pa 3.

Eleccion di reina juvenil y di distrito di Paradera den Club Caiquetio di 9-3.

Eleccion di reina juvenil y di distrito di Brazil den Christus Koning School na Brazil di 9 pa 3.

Eleccion di reina juvenil y di distrito di Noord den Centro di Bario Noord di 9 pa 3 y eleccion di reina juvenil y di distrito di Savaneta na Heilig Hart School.

DIADOMINGO 31 JANUARI body warm up dance y concurso di baliamentu di tumba pa 4 or na POVA Club.

E deportistanan bionico di Bionic Korfball Club ta drenta carnaval cu algo bionico sigur. E miembronan ta ser yama via Popo, pa un reunion mañan anochi 7.30 den Club San martin, pa papia ariba carnaval. Asina Popo ta gusta. Mas organizacion den carnaval, ta mas bida pa carnaval y mas alegria di celebracion....

000000

Popo a bin haya sa cu pa Prins y Pancho di mucha, Licores Aruba a prepara regalo tambe. Pero no ta pa esey so. Awe madrugada, Popo a tira un bishita den caha fuerte di Licores Aruba, y Popo a bin haya un lista largo di premio. Popo no por menciona tur pa e doño no haya sa cu Popo tabata eynan. Pero si Popo a haya sa cu e aña aki Reina Infantil, Licores Aruba ta duna premio di paña pa school, jeans, joyanan, un garderober completo, pijama cu zapato, etcetera etcetera etc.

000000

Randolph a papia den su soño. Popo a tende cu Randolph Simoons y Ryan Maduro, tambe lo ta den eleccion di Prins y Pancho awe. Popo a tende Randolph murmura den su soño cu ta canta e lo canta "tincutincutan, tincu tincu tan", tambe cu Fidel ta den e asunto aki. Randolph cu Ryan ta Prins Hisa Benta y Pancho Dal Abao.

000000

You better watch out, you better watch out, you better watch out, Popo's telling you why...Santa Claus is coming for Carnaval...Si Popo ta canta di awor caba pasobra Santa Claus lo ta den carnaval di mucha y Savanetaden ta bin cu e grupo dimas o menos 50 mucha. Muchanan haci manera Popo, pidi pa join e grupo aki y laga mami yama Angel Vrolijk awor mes na "feletonnan 47456 of 47486 of bishita Savaneta 163 y inscribi bo.

000000

Pa mas informacion cu Popo a ricibi di Atan, mira ariba e pagina aki..Atan a usa telefon di SAC te dañe, pesey Dialuna e no por a manda informacion di SAC.

000000

Eleccion di reina infantil di Playa lo ta Diamars venidero den RCA y di Tanki Leendert lo ta diahuebs dia 21 di e luna aki. Mayornan cu tin yiu muher cu edad di participa tambe por inscribi nan yiu na e comision di Tanki Leendert. Por inscribi cerca Ita Ridderstaat, 28930, Ivy Hernandez 29054, Marlin Dijkhof 21308 of cerca Linda Fingal cu "tenefool number 24272.

000000

Ata Maritza atrobe den parada cu grupo grandi. Maritza ta bini cu strea, cu luna, cu solo, cu nubia, cu planeta, cu asteroid, cu meteoro, cu ...cu...cu...grupo di Universo. Esaki ta pa parada di mucha y mas o menos 100 mucha lo ta den e grupo aki sigur, y si mama, mamachi, mami, mamay y may kier pa nan yiu ta den un grupo, yama Maritza na 23933 of yama Mundo Albus na 26898 despues di 5 or atardi, pero hacie lihe si.

000000

Skirbiendo di Maritza Popo ta corda cu Maritza ta organiza e club di domino di mas grandi di Aruba. E campeonnan di Aruba y Antillas ta haya competencia, pasobra pa parada grandi, Maritza ta bini cu 150 hende bisti como domino y cu Licores Aruba como sponsor.

000000

POPO TA INFORMA

Parce cu e eleccion di awe di Prins y Pancho Infantil lo hala hopi hende ya cu ta ser papia hopi caba di e chiquitinnan aki. Popo a haya sa cu Prins Flacucio y Pancho Gorducio tambe a viaja pa Aruba pa tuma parti. Nan ta Mauro Chacon y Jurrey Sophia kendenan ta ser patrosina pa "Scorio's Disco". Tambe Popo a haya sa cu Prins Morocho y Pancho No Tin a yega Aruba y lo ta participa awe. Nan ta Endy Lewis y Garry Orman.

000000

Popo a tira un bista rond den oficina di SAC y mei mei di e papelnan plama tur rond, yena cu number di hende. Popo a bin saca un fotocopia di number di Prins Don (Martin?) y Pancho Boy (Rosendal?). Segun e papel, nan ta Alvin Boekhoudt y Johnny Peasch y cu nan lo participa den eleccion juvenil pa Prins y pancho.

000000

Popo tabata na Savaneta ayera anochi y a bin haya hooopiiii hende ta prepara na Heilig Hart School pa eleccion di reina infantil di Savaneta. Den lessenaar di un juffrouw, Popo a pone man ariba e lista, saca un copia y pone e lista back. E number di e candidatanan ta: Maritza Maduro, Wendy van de Linde, Sheila Lampe, Rachel Marouska de Cuba, Gwendoline Greow, Jennifre Bislick y Ahira Losano.

000000

Na Savaneta nan ta eligi reina infantil Diasabra atardi 6 or, pero Popo a pasa man tambe pa e lista cera den caha fuerte di Club Caiquetio. Segun e lista aki, e eleccion di reina infantil di Caiquetio ta tuma lugar mañan atardi seis or y e nombenan cu Popo a logra mafia ta: Janine Xiomara Bislick, Esther Ingrid Dirksz, Jadey Naomi Lacle, Valery Ester Briezen, Gine de Cuba, Anoushka Dairine Loopstok, y Fabiola Lisandra Lacle.

000000

Ayera Caribbean Signs a garantiza Popo cu e flanelnan di Popo lo por ser busca na DIARIO for di Diabierma anochi. Nan ta flanelnan di color cu Popo su imagen di cinco aña ariba dje. Anto Marjorie cu Rob di Checkpoint hunto cu DIARIO atrobe ta patrosina nan. Di Dialuna lo por haya flanel di Popo na Check checkpoint tambe, si Caribbean Signs no haya fallo tecnico.

000000

Comision di Oranjestad di SAC ta buscando den tur skina di Playa pa mira ta cual mayornan kier inscribi nan yiu muher pa eleccion di reina infantil di Playa. Mami, mamay, mamachi, mams, ma, may, inscribi bo yuchi, princesita, prenda joyita cerca Tecla of Soraida Hernandez "fetelon 23982, of cerca Daphney Martijn na Cachet Boutique den Boulevard Center, of cerca Nella Reyes "feleton" 25073, of cerca Lilly Zichem na "feleton 22374".

